

Tur cos ta cla pa Arubadag 2010 na Hulanda

E siman culminante a yega p'e evento grandi di Arubadag cu lo tuma lugar diadomingo benidero den Utrecht Veemarkthallen. E evento lo cuminsa pa 12.00 cu e festival cultural.

Durante e parti cultural aki lo tin presentacion musical di e.o. Jossy Brokke, Trio Huasteca y "Rey di Tumba 2010" Jeffrey Kelly. Xanadu Dancers lo anima e publico cu nan baile y ta toca honor n'e ganadora di "Festival un Canto pa Aruba su Himno y Bandera 2010", Sharon Rose pa canta e Himno Nacional, Aruba Dushi Tera.

E comision nobo a bin cu un programa inovativo cu ta pone enfasis riba talentonan Arubiano biba na Hulanda y resto di Europa. E dia aki lo no solamente concentra riba musica y cuminda, pero tambe lo duna honor na deporte, arte y moda. Asina lo tin demostracion di diferente arte marcial, exposicion y feria artistico y mode-show.

Tur esakinan ta na encargo di Arubianonan residencia na Hulanda. Veemarkthallen lo wordo transforma den un forma

tipico Arubiano cu lo crea un ambiente placentero. E decoracion a keda encargo di e artista Arubiano Luis Croes cu e tema "Tera & Awa".

TOK Brass, e brassband number 1 di Hulanda, lo habri e parti musical cu un tremendo jump up. Ruben Garcia lo t'e host pa Arubadag 2010 y lo yama tur hende un bon bini. E dia lo sigui cu presentacion di diferente artista manera Offshore, Punky Donch, Vale Croes, DJ Sky (Exide Music Holland), BMW y mucho mas.

For di Alemania lo bin specialmente pa prome biaha na Arubadag e Arubiano Wally Warning.

Como atraccion principal y presentacion exclusivo, directamente for di Aruba, Claudius Phillips y OREO, acompaña pa "Roadmarch Queen 2010" Lady Eyes.

Specialmente p'e evento aki pa prome biaha e famoso cantante Arubiano Valentino King a composita y aregla un jingle cu ta hiba e titulo: "Tur cos pa

Aruba". E jingle aki lo resona riba e escenario na Utrecht caminda tur e Arubianonan lo gose hunto.

E biaha aki e comision a bin cu un incentivo nobo special pa estudiante.

En corto, Arubadag lo tuma lugar dia 21 di maart 2010 cumisando for di 12.00 di merdia den Utrecht Veemarkthallen.

Tur cos pa Aruba, nos ta wardabo...

Pa mas informacion di Arubadag bishita nos website www.arubadag2010.nl